



REPUBLIKA E SHQIPËRISË  
**AUTORITETI I KONKURENCËS**  
**KOMISIONI I KONKURENCËS**

**VENDIM**  
**Nr. 600, Datë 15.03.2019**

**“Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifor për ndërmarrjen “Ujësjellës Kanalizime Poliçan” SHA”**

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 15.03.2019, shqyrtoi çështjen me:

**Objekt:** Dhënien e disa rekomandimeve Entit Rregullator të Ujit (ERRU) mbi aplikimin për ndryshimin e nivelit tarifor për ndërmarrjen “Ujësjellës Kanalizime Poliçan” SHA.

**Bazë ligjore:** Neni 24, germa d) dhe f); neni 26; neni 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (i ndryshuar).

**Komisioni i Konkurrencës** pas shqyrtimit të:

- Relacionit mbi aplikimin për ndryshimin e nivelit tarifor për Ujësjellës Kanalizime Poliçan SH.A,

**VËREN SE:**

- 1- ERRU-ja nëpërmjet shkresës Nr. 722 Prot., datë 28.12.2018, informon Autoritetin e Konkurrencës se me vendimin e Komisionit Kombëtar Rregullator (KKRR) Nr. 59, datë 20.07.2018, ka filluar procedurën për shqyrtimin e aplikimit për ndryshim tarife të ndërmarrjes Ujësjellës Kanalizime Poliçan SHA, e cila ka propozuar me anë të projekt- vendimit, të aplikojë vendosjen e nivelit të ri të tarifave të shërbimit për furnizimin me ujë të pijshëm, largimin e ujërave të ndotura si edhe tarifën fikse për mirëmbajtjen e rrjetit të ujësjellësit, në të gjithë zonën e shërbimit pas organizimit.
- 2- Nga shqyrtimi dhe vlerësimi i informacionit mbi aplikimin për ndryshimin e nivelit tarifor si dhe projekt-vendimit përkatës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjellës Kanalizime Poliçan SHA”, rezultoi se:

- Aplikimi i metodologjisë për ndryshimin e tarifave ka filluar me analizën e kostove të operimit dhe mirëmbajtjes, të cilat duhet të jenë të justifikueshme, si dhe në analizën e performancës, e cila tregon rritje të tarifave në mënyrë graduale në vitet në vazhdim, duke patur orientimin drejt kostove për ofrimin e këtij shërbimi.
  - Tarifat aktuale që aplikon ndërmarrja Ujësjetllës Kanalizime Poliçan SHA për ujin e pijshëm për konsum publik janë miratuar me Vendimin Nr. 27 datë 18.06.2010 të ERRU-së. Sipas ndërmarrjes Ujësjetllës Kanalizime Poliçan SHA, niveli i tarifave në fuqi në raport me koston totale, investimet e realizuara është relativisht i ulët.
- 3- *Për shërbimin e furnizimit me ujë të pijshëm*, aktualisht për konsumatorët familjar, ndërmarrja aplikon tarifa të diferencuara për zonën urbane të Poliçanit (37 lek/m<sup>3</sup>) dhe për zonën e riorganizuar Vërtop dhe Tërpan (44 lek/m<sup>3</sup>), të cilat janë të miratuara nga ERRU.
  - 4- Njëpërmjet aplikimit, ndërmarrja Ujësjetllës Kanalizime Poliçan SHA propozon rritje të tarifave për zonën urbane, për konsumatorin familjar me 13 lek/m<sup>3</sup> (zona e Policanit), duke pësuar një rritje afro 35%, ndërsa për Tërpan dhe Vërtop tarifa rritet me 6 lek/m<sup>3</sup>, duke pësuar një rritje prej 13.6% të tarifës. Për konsumatorët jo familjar (buxhetor, privat) tarifa pëson një rritje 45 lekë ose 56% , ndërsa për konsumatorët buxhetor tarifa rritet 30 lekë për konsumatorët privat ose 31.5% e tarifës aktuale.
  - 5- Nga analiza e bërë, bazuar në metodologjinë për vendosjen e tarifave, lidhur me treguesit e performancës, për secilën prej tyre janë vendosur objektiva të arritshme sipas ERRU-së për vitin 2019 duke synuar përmirësimin e performacës së shërbimeve të ofruara.
  - 6- Nga analiza ekonomiko financiare, sipas ERRU-së, rezulton se ndërmarrja Ujësjetllës Kanalizime Poliçan SHA edhe pas riorganizimit nuk arrin të mbulojë kostot e operim mirëmbajtjes pasi janë në masën 46 % dhe në vitin 2019 objektivi është të arrij 99.3%.
  - 7- ERRU-ja gjykon se ndërmarrja Ujësjetllës Kanalizime Poliçan SHA për vitin 2019 duhet të rritë kostot totale të operimit dhe mirëmbajtjes, si edhe kostot totale në 46.8% më shumë, krahasuar me vitin 2017, duke marrë parasysh propozimin e ndërmarrjes për kosto më të larta.
  - 8- ERRU gjykon se ndërmarrja Ujësjetllës Kanalizime Poliçan SHA ka nevojë, për subvencione për mbulimin e kostove totale, si dhe ka nevojë për investime emergjente dhe afat mesme, pasi rrjeti është i amortizuar, sidomos në disa zona në të cilat mjaft asete kanë dalë jashtë përdorimit.
  - 9- Tarifat nuk duhet të tejkalojnë kostot e tyre, duke shmangur fitimin monopol të ndërmarrjes dhe rregullatori duhet të stimulojë uljen e këtyre kostove, arritjen e fitimeve të arsyeshme, si dhe vendosjen e tarifave në nivele minimale, duke siguruar që konsumatorët të paguajnë çmimin e duhur për produktin dhe shërbimin që u ofrohet.

- 10- Duke qenë se niveli i kostove për vitin 2019 rritet në nivele rreth 46.8% më të lartë se në vitin 2017, subvencionet që do të përfitojë kjo ndërmarrje për mbulimin e kostove, si dhe investimet për përmirësimin e rrjetit të ujësjellësit, duhet të jenë sa më transparente, të përshtatshme, efikase e fitimprurëse, dhe të nxitin reduktimin e kostove nga niveli aktual si dhe përdorimin në mënyrë efektive të burimeve ujore.
- 11- Nga vlerësimi i Konkurrencës për “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjellës Kanalizime Poliçan SHA” rezulton se; Ndërmarrja Ujësjellës Kanalizime Poliçan SHA ka pozitë dominuese dhe si e tillë ka detyrimin e orientimin të cmimeve drejt kostos.  
Në aplikimin për rritje të tarifës, UK Poliçan SHA nuk ka realizuar ndarjen veç e veç dhe sipas zonave, të kostove të shërbimit të furnizimit me ujë të pijshëm nga shërbimi i largimit të ujërave të ndotura.  
ERRU në analizën ekonomike financiare të saj ka marrë në konsideratë kostot totale së bashku për të dy shërbimet e ofruara, duke mos zbatuar Vendimin e Komisionit të Konkurrencës Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit të ujërave të ndotura”, pika (I), gërma (e).
- 12- Konstatohet se informacioni mbi aplikimin për ndryshimin e tarifave është bërë transparent në faqen e ERRU-së, por nuk është marrë në konsideratë rekomandimi i dhënë nga Komisioni i Konkurrencës me Vendimin Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimit të ujërave të ndotura”, pika (I), gërma (e).

### **PËR KËTO ARSYE:**

Komisioni i Konkurrencës, bazuar në nenet: 24, germa d) e f); 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (të ndryshuar), me propozim të Sekretariatit,

### **V E N D O S I:**

- I. T’i rekomandojë Entit Rregullator të Ujit si vijon:
  1. Tarifat që do të miratohen nga ERRU për ndërmarrjen Ujësjellës Kanalizime Poliçan SHA, të jenë të orientuara drejt kostos së shërbimeve.
  2. ERRU të kërkoj nga Ujësjellës Kanalizime Poliçan SHA, ndarjen e kostove për të dyja shërbimet e ofruar a) shërbimi i furnizimit me ujë dhe b) shërbimi i largimit të ujërave të ndotura, duke njoftuar AK brenda 90 ditëve për realizimin e këtij rekomandimi.
  3. ERRU të publikojë dhe bëjë transparente brenda 30 ditëve nga dalja e këtij vendimi, të gjithë informacionin mbi aplikimin për ndryshimin e tarifave, duke marrë në konsideratë rekomandimin e dhënë nga AK, për ndarjen e kostove për

të dyja shërbimet e ofruar të furnizimit me ujë dhe të largimit të ujërave të ndotura, sipas metodologjisë së miratuar nga ERRU.

- ii. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

## **KOMISIONI I KONKURENCËS**